

"ARUBAANSE COURANT"
diariamente cu excepcion di
diadomingo
suscripcion f. 3.25 pa luna
edicion los 20 ct.

edita pa:
N.V. Arubaanse Drukkerij- en
Uitgeverij- en Publiciteits Mij.
Nassaustraat 85 O'stad Aruba N.A.

imprimi na:
N.V. Drukkerij „De Stad“
Theaterstraat 11, Willemstad Curacao

Telefoon 1116 Directiva y redaccion.
2116 Anuncio y suscripcion.

Directeur hoofdredacteur: D. Wolff.

ARUBAANSE COURANT



Diario pa



Aruba



SWIFT

POTHAM

Bishita inespera pa come? No tin
problema — Un sandwich di „Pot-
ted Heat“ prepara cu salada semper
ta worde aprecht!

Agente:

Wimco

Año 25

DIAMARS 29 DI OKTOBER 1963

No. 4779

ANOCHI PA GRADUADONAN-STUDIANTENAN Y MAJORNAN NA N. W. I. W. A.

SAN NICOLAS, 29 okt. — Diadomingo atardi a tuma
lugar na e club di Netherlands Windward Islands Welfare
Association den Pastoor Hendrikstraat na San Nicolas e
atardi di informacion duna po e graduadonan di Islanan
Ariba na nan poisanonan cu ainda ta studiando of cu tin
intencion di bai studia y tambe na e majornan. Esaki a bira
un onochi den cual diferente persona representando un
cierto ramo di profesion pa cual el a gradua, a duna un in-
formacion kiko tin di worde haci pa logra gradua pa tal
profesion.

E presidente actual di e club senior
W. Thompson cu palabranan cla-
ro a splica e doel di e programa. E
posible, segun e presidente pakiko e
diferente Isla Ribenjonan cu a gradua
a worde introduci na nan compatrio-
tanan ta pa e graduadonan y e otro
Isla Ribenjonan na Aruba sinja co-
coce y compronde otro mihor. Tam-
be nan a worde prevena na nan
compatriotanan pa stimula y encu-
asha interes pa studia den e henden-
den di Islanan Ariba y pa duna nan
conseho e informacion den e escohe-
nen o di nan profesion. Segun senior
Thompson a sigui splica den su dis-
curso di inauguracion e atardi taba-
ta tambe cu un doel social y cultu-
ral, pa trece un union entre esnan cu
a gradua pa un of otro profesion y
esnan sin titulo di profesion, na un
manera social y cultural, pa asina
sunnan gradua por duna informa-
cion pertinente tocante di nan ramo-
nan door di por ehemplo lectura y
programanan special.

DELEGACION ANTILIANO NA VENEZUELA

ORANJESTAD, 29 okt. — Manera
pos a anuncia algun dia pasa, ultima-
mente a sali for di Corsow pa Vene-
zuela un delegacion Antiliano ariba e
invitacion di e gobierno Venezolano. E
delegacion ta worde forma pa Su Ex-
celencia Gobernador Debot y esposa,
ministro-presidente di Antillas E. Jonck-
heer y esposa, Adjuntante di Goberna-
dor, Lt. J. O.C. J.P.G.A. Suuren-
broek, senior N. Piña-Lampe, jefe di
Servicio Informativo di Gobierno na
Aruba y senior W.M. Statius Muller.
Hefe di Servicio di Seguridad Interno,
como secretarionan. E delegacion ta
worde acompaña pa e Consul general
di Venezuela na Willemstad, senior Vi-
cente Gamboa Marciano y su esposa. E
delegacion cual a biaha ayera pa Ve-
nezuela lo keda mas o menos un siman
ayan.

dente di e club di Isla 'Ribenjonan e
maestro di ceremonia senior J. F.
York a tuma lugar tras di mierafton
pa introduci diferente di e Isla 'Ri-
benjonan gradua cu na e momento
tabata sinta den sala. Men ando nom-
ber y profesion, senior York ta su-
plica e persona pa lanta para pa asi-
na publico mira di kende se trata.

Tambe a worde introduci na e pu-
blico senior D. Mathew, miembro di
Staten kende tambe tabata presen-
te.

Despues cu e „parada“ aki di gradu-
adonan di Islanan Ariba a termina,
senior York a introduci Dr. Colin
Brown, conocido maestro director di
Aruba Commercial School na San
Nicolas, kende cu un discurso in-
teressante y claro, a splica e presen-
tacion cu cada persona den su bida tin
di tuma decisionnan. Decisionnan pa
futuro manera senior Brown a splica,
mester ta basa ariba paz di mente,
confianza y persistencia.

Graduadonan

E siguiente persona di e atardi cu
a papia tabata senior M. Dupersoy,
ingeniero, kende a duna un splica-
cion amplio kiko ta necesario y kiko
tin di worde haci pa logra finaliza e
estudio y gradua como ingeniero. A-
sina a duna informacion den nan ra-
mo senior T. Gibbs (partera),
Vera Euson y Van Heyningen (enfer-

FATUM — Tel.: 1845
pa tur bo aseguranan

HURAMENTO PRESIDENTE NOBO CORTE DI JUSTICIA

ORANJESTAD, 29 okt. — Dia 25
di Oktober ultimo e presidente nobo pa
Corte di Justicia di Antillas a haci hu-
ramiento na Su Excelencia Gobernador
N. Debot. Aki ta trata di Mr. W.J.
M. Berger, kende ultimamente a jega
cu bapor for di Hulanda. Cu e mes un
bapor tabata di biaha pa Quito - Ecua-
dor, Jhr. B.J. Elias, kende lo ta e em-
bahador nobo di Reinado Hulandes
ayan.

Matamentu a bordo di „Van Ewijck“

(Di nos corr. na Corsow)
WILLEMSTAD, 29 okt. — E cor-
poral di 35 anja serca Marina Real J.
Lagendijk diadomingo atardi a muri
abordo di hr. ms. fregata „Van Ewijck“
despues cu e machinist di 19 anja Van
der W. a hinké cu un cuchu di corta pan
den su curazon. E victima tabata casa
y tabatin dos jiu homber di diez y cinco
anja. Su familia tabata na Den Heider,
Hulanda.

meranan). Terminando asina e pro-
mier parti di e programa di informa-
cion na e futuro estudiantenan y ma-
jornan Isla 'Ribenjo. A sigui un in-
termedio cortico, durante cual e pre-
sentenan por a tuma un refresco.
Despues di intermedio senior C. Baly
(maestro di school), R. van Putten
(educador Physico) y M. Hanson
(journalist) a duna un splicacion ki-
ko tin di worde haci y cual educa-
cion ta necesario pa gradua den e
profesion cual nan ta representa. Cu
palabranan di gradicimento pa tur
esunnan cu a coopera na e programa
y tur esnan cu a asisti, senior R. S.
Nicholson, miembro di directiva di
Netherlands Windward Islands Wel-
fare Association a termina e atardi
di informacion dunando como su
deseo cu cada persona a sinja algo
nobo of sabi awor cual decision nan
tin di tuma pa futuro.

Trafico durante week-end: Diez choke-danjo material fl. 3000.- un morto

BALASHI, 29 okt. — Ultimo week-
end a bolbe worde muestra cu trafico na
Aruba ta masha insegur. En total ta-
batin e week-end cu a pasa un total
di 10 choke, di cual fellamente e majoria
tabata chokenan leve, cu no a causa
danjo na personanan, cu excepcion di e
caso di Diadomingo marduga na Sava-
neta, cual a causa bida di e hoben Emi-
liano Vicente Peña di 23 anja di edad.

E chokenan durante week-end a resul-
ta en total un danjo material di como
fl. 3.000.-.

Diasabra atardi banda di dos'or
tabatin un choke ariba e conocido
skina di Oude Schoolstraat Midden-
weg na Oranjestad. Aki e autonan
A-909 y A-3797, mancha respectiva-
mente pa A.O. y A.F. a dal ariba o-
tro. Resultado di esaki taba cu A-
909 a hanja un danjo material di 300
florin, mientras cu e jick-up A-3717
tambe a sufrí un danjo pa 300 florin.

Na Brazil tambe tabatin un choke
diasabra. E jeep D-272 mancha pa
J.R. y e auto A-941 mancha pa A.V.
a dal ariba otro, causando un total
di danjo material di 300 florin.

Diadomingo atardi banda di 6'or
y mei tabata na Simon Antonio ca-
minda dos auto a dal ariba otro. E
biaha aki tabata A-7601 mancha pa
F.V. y A-8043 mancha pa M.L. cu a
causa otro danjo. Danjo total 450

E incidente a tuma lugar despues di
merdia. Machinist Van der W. cu mas
biaha caba tabatin desunion cu e corpo-
ral un biaha mas a hanja diferencia di
opinion cu e corporal.

E pleitu a desarollo den un accion in-
disciplinario di Van der W. cual a worde
raporta pa e corporal. Van der W. a
hanja streng arrest local a tuma lugar
den presencia di e corporal. E machi-
nist a exita su mes asina tantu, cu e
ora ey el a cohe un cuchu di corta pan
y a hinké e corporal den su pecho. E
victima a worde hiba urgentemente pa
hospital, pero den ambulansa el a falle-
ce na su herida. Corporal Lagendijk ta-
batin un anja y mei caba na Antillas.
Promé cu Pascu e lo a biaha pa Hu-
landa.

Machinist Van der W. a keda aresta
pendiente di un investigation na Pare-
rn. E lo mester duna cuenta dilanti un
tribunal militar tocante su accion. E
cadaver di e victima lo worde manda
Hulanda.

C.A.P.A. TA YUDA „UN YUDA OTRO“

ORANJESTAD, 29 okt. — Ayera
merdia a tuma lugar na cas di senjora
Dolores Arends, presidente di Club
Artistico de Peluqueras de Aruba, e
entregamento di e suma cual a wor-
de colecta cu e show di peluqueranan
diasabra anochi na Palm Beach Club,
na beneficio di e organizacion carita-
tivo „Un Yuda Otro“. E show na unda
entre otro senjora Marieta Luidens
a sali reina di Club Artistico de Pe-
luqueras de Aruba pa e anja veni-
diero, a resulta un tremendo exito.

E presidenta di „Un Yuda Otro“,
senjora Luisa Oduber, por a ricibi
for di man di senjora Dolores Arends,
un cheque pa un suma di 201 flo-
rin cu 31 cent, pa e doblan carita-
tivo di „Un Yuda Otro“. Senjora O-
duber kende tabata sumamente con-
tento y satisfeco cu e yudanza aki
pa e organizacion, ta spera cu mas
personanan y organizacionnan lo mi-
ra y realiza cu mester di yudanza pa
e menos afortunadonan di nos isla,
especialmente awor cu e dianan di
Pascu ta yegando, asina cu nan tam-
be lo tin un „feliz Pascu“.



NOTICIA DI POLIS

ORANJESTAD, 29 okt. — Diasa-
bra mainta a worde avisa telefoni-
camente na polis cu a worde horta den
un stacion di gasolin na Oranjestad.
Patrouilla a constata cu un bentana
tras di e edificio a worde forza door
di cual e individuo of individuonan
a drenta e lugar y a bai cu un suma
basta grandi di placa.

Maltrato cu cuchu

Diasabra anochi banda di 8'or y
mei polis mester a asisti na un brin-
gamento di dos dama na Oranjes ad.
E damanan cu ta hiba na e mes un
cas a hanja un desunion cu otro cu a
bata asina leuw cu e dama J. cual ta-
bata bato di influencia di alcohol a
dal e dama K. cu un piedra despues
di e insulte. E dama K. no a gusta
esaki mucho y a usa un cuchu con-
tra di su adversario, heridando J. na
su lomba. E dama J. mester a worde
hiba hospital pa tratamiento. Recher-
che ta investigando e caso.

Wowo blausa

Diadomingo merdia 1'or a bin war-
da di polis na San Nicolas e caballero
C. cu tabatin un wowo blausa y un
corta na su wowo. El a declara cu un
tal K. a dale den un bar na San
Nicolas. El a worde conseha pa bi-
shita recherche.

Nanishi kibra

Diasabra atardi 6'or y mei asien-
cia di polis a worde pidi na un brin-
gamento den hecendario di un restau-
rant na San Nicolas. A resulta cu dos
marinero tabata golpia o ro masha
mahos. Aki tabata trata di C. y B. E
ultimo menciona a hanja un nanishi
kibra, un herida na su wowo, gabez y
mannan. El a worde hiba pa San
Pedro Hospital caminda el a worde
tuma pa observacion. E marinerio C.
a worde hiba su bapor despues di a
worde interroga.

A bebe chlorox

Diasabra anochi un cuarto na Sa-
n Nicolas a worde pidi na un da-
ma na Brazil a bebe nada menos cu
chlorox. A resulta cu e dama e hiba
asina desespera despues di tabatin un
desunion cu su amanté cu kende e ta
acompañia cu el a dieldi di bebe chlo-
rox. E dama a worde hiba na hospital
y a worde tuma na observacion. Su
situacion no ta critico.


Otro caso di hortamento

Diadomingo mainta a worde avisa
na polis door di un enfermera cu du-
rante e anochi cu e no tabata na cas,
un of mas persona a drenta e cas ca-
minda cu e ta hiba y a bai cu un su-
ma di placa. E dama a worde conse-
ha pa bishita recherche.

A perde

Turis Angel Garcia-Corazon a duna
di conoce na polis cu el a perde su

Diasabra anochi a tuma lugar na
Palm Beach Club un exitoso show di
peluquera, organisa pa Club Artisti-
co de Peluqueras de Aruba (C.A.
P.A.) bato di gila di e presidente se-
njora Dolores Arends. Durante e an-
ochi tabatin nombramento di reina di
e club di peluqueras pa e anja ve-
nidero. E hurado cual nos ta mira
sinta tras di mesa (potret ariba) ta-
bata consisti di e damanan, Betty
Fasola, Margie Bullock, Marie Don-
nafrio, Susan Hodge y Lewis Gra-
hoy. For di e 12 candidatonan cual
a participa nos ta mira aki dos di
nan, esta Kay Luchoo y Mildred
Croes. Entre e bellezanan aki se-
njorita Marieta Luidens a worde es-
cohi como e Reina di Club Artistico
de Peluqueras de Aruba pa e anja
venidero. Ariba e potret nos ta mira
e momento cu e ta worde corona pa
deputado Alberto Falconi, kende aki
ta hanja yudanza di Reina di pelu-
queras di anja pasa, Rita, Eni Mar-
rugg, como cu e corona a trece al-
gun dificultad. Despues en sra. Do-
lores Arends a asisti en dos gancho,
deputado Falconi por a felicita e re-
cien corona reina Marieta Luidens.
Cu e show aki Club Artistico de Pe-
luqueras de Aruba, ta muestra di lo
bati hancu e show, un tradicion na nos
isla (di dos anja consecutivo) cual
endubablemente merece un gran
aprecio.



MILDRED CROES



KAY LUCHOO

pasaporte. Number no ta conoci.

— x —
Anieco Luvio a perde un cartera
color geel di cuero conteniendo 150
florin. Probablemente na Oranjestad.

A hanja

Senjora Hodge di Edsonstraat 19
a avisa na polis cu diadomingo su yiu
homber chikito a hanja un cartera di
diferente color conteniendo 3 panel
di cinco florin, 2 florin los, 1 diez
placa y algun cent mas. E cartera por
worde busca serca senjora Hodge.

— x —
Senjor Van Meeteren a entrega na
warda di polis na Oranjestad un car-
tera hrui di un dama cual el a han-
ja den su auto. E cartera aki ta di un
dama desconoci pe cual el a duna un
left for di Aruba Caribbean Hotel pa
Oranjestad.

HOBEN TA MALTRATA ANCIANA

BUENA VISTA, 29 okt. — Diado-
mingo atardi mas o menos cinco'or
asistencia di polis a worde pidi na Buena
Vista pa un caso di bringamento y
maltrato.

A resulta cu e hoben G. di 21 anja
di edad a maltrata un dama di 79
anja di edad. E dama M. tabatin un
wowo y cara hinchu, mientras cu e

tabata sangra pa nanishi y boca. E
hoben G. tabatin un corta di como 5
centimetro ariba su frente. Segun el
a declara, e corta aki a worde causa
pa un sla cu el a hanja cu un palo for
di e anciana. E dama segun su declara-
cion no ta corda cu el a haci tal cos.
Polis a hanja na e cas menciona un
machete un pida hero di saka tire y un
pida palo cu un haak na die, cual ta
worde usa pa bisa piscu grandi den
boto. Probablemente e dama a worde
maltrata cu un di e articulonan aki. E
dama kende tabata seriamente herida
mester a worde transporta pa hospital
San Pedro caminda el a worde tuma na
observacion. E hoben G. cu tabata bato
di influencia di alcohol a worde hiba
warda di polis, caminda el a worde
encarcela pa investigacion. Segun e
investigacion di recherche, e hoben ta-
batin promer un pleitu cu e ruman di
e anciana, despues di cual el a bai na
e cas di e dama pa baha su tabia aya-
nan.

President di Alemania Occidental pa Indonesia

BONN, 29 oktober. — President
Lieske di Alemania West a sali cu
su casa tot Teheran na Madras di
viahe pa Diakarta. E president di A-
lemania Occidental a termina un bi-
shita oficial di 5 dia na persia.



MENTHOL FRESH
RICH TOBACCO TASTE
MODERN FILTER TOO

COMPETITIE A.V.B.

Awenochi pa 7.30 den WILHELMINA STADION

JUV. MILLONARIOS vs. DAKOTA
(Hoofdklasse)

ENTRADA: Tribuna cu dak fl. 1.—
Tribuna sin dak fl. 0.50
Mucha militar prijs



Kende ta laga di tin problemas?
Tur dia nos ta experiancia esaki: hobenan riba tereno di amor, school, deporte y na cas cu mayornan cu educacion di nan jinan, relacion entre esposos cu nan senjora, quehaceres di nan mes, relacion cu bisinja y familia.

Como Rosemary subi cuanto problema ta molestia un of otro persona, e la pone su mes na disposicion pa tur diamars e duna consejo gratis riba e diferente problemanan cu bo por contieles den nos corant. Manda bo corita pa "Arubanse Courant" Nassaustraat 85 y skirbi den un luki di e envelope bon cla "Correo Confidencial". Si en caso bo problema ta concerni algo mucho personal y bo no kier pa e contesta sali publica den corant, anto bo por ta asina bon di inclui den e envelope otro envelope cu bo adres riba dje y stampia, y e ora ey bo ta hanja un contesta personalmente.

Rosemarie ta dispuesto na yuda bo!

Estimada Rosemarie,

Mi ta bin molestia Rosemarie cu un problema pa busca un bon conseho pasobra mi ta sinti mi mes desespera.

Rosemarie, mi ta un muher-casa di 38 anja i mi no tin yiu, pero un yiu muher di crianza. Actualmente e tin 16 anja. Nos tin 20 anja casa i mi casa i mi mester bisa cu mi matrimonio tabata masha feliz. Ta sosodé awor cu e yiu di crianza tin un mucho homber, kende e ta gusta i cu ta mustrele tur clase di atencion. Mi no tin nada contra cu esey, pasobra ta cosnan di su edad. Pero mi ta prohibe di no cuminsa cu cuenta di namoramento serio

i tene masha cuidao pa e no duna e mucha homber mucho libertad. Mi a pensa, Rosemarie, cu podiser ora e bira mas grandi, e conecé un otro mucha homber, cu e ta stima. Awor ta mucha e ta ainda. E prohibicion aki a pone cu mi yiu di crianza a bira mas na un hende strajo pa nos denos. Mi exposo tambe a biséle mescos cu mi. Pero ta manera en tor di e dia ey no tin felicidad mas den nos cas. E yiu ta tira palabrá pa mi exposo i pa mi. E no kier comé cu nos na mesa. E ta fuma nos hende bieuw, cu no tin conocimiento di necesidadnan di un teenager. Te hasta el a bisa cu e kier bai back cerca su mama. Pa mi bisá Rosemarie bon cla, su mama ta un hende di mala bida na Corsow. Tin vez e ta sali di Corsow bai biha i ningun hende sa su paradero. E mama no kier e yiu pa nada, mientras cu nos dos ta stima e mucha berdaderamente. Mi no sa awor kiko haci pasobra nos dos, mi esposu i ami, ta biha terribel di-gusta. Rosemarie, duna mi un conseho, por favor. Bisi mi kiko mi a haci malo of kiko mi mester haci den e caso aki.

Un mama..... sin yiu.

Un mama..... sin yiu.

Mi amiga, mi ta comprendé cu bo ta sinti bo masha veritiet. Ta duele, cu despues di tanto anja largo, cu bo a cuida, percura i consagra bo mes na e yiu di crianza awor e ta duna bo un golpi duro asina. Bo mester corda mi amiga, cu hopi masha ta experiancia tratonan bestial asina cerca nan mes yiu. No ta pasobra e ta yiu di crianza e ta trata bo asina. Tin hopi mucha muher jong, cu ta trata nan mayornan sin curazon, sin respet i sin gratitud. Hopi tata i mama ta lora auargamente riba comortacion i trato di nan jinan. Abo ta sinti esaki cobbel pasobra e no ta bo yiu i e ta menasa cu e kier bai largu boso. Bo no a haci nada robes, alcontrario. Bo a muestra comprension pa e "gustamento" propio di su edad, pero bo a hala su atencion pé no haci ningun bobedad i pé no kere cu ta esaki ta e amor grandi di su bida. Por ta..... i por taga di ta tambe. Ta pesey hende jong tin mayornan pa bala nan atencion.

Si e yiu ta bai secol ainda, bisele cu

si su comortacion sigui asina lo bo bai papia cu e cabes di scol. Hopi vez esey sa yuda, como un strajo por muestra un mucha riba su faltanan. su ingratitud mas bon en mayornan mes. Papia cu e yiu ora bo ta so comé na cas i mustrele cuanto boso ta stima e. Con facil el a despectu tur boso amor i cuida. Podiser e mucha homber ey tin un mal influencia riba dje. Precisamente como su mama tin un mal caracter, boso mester cuida e yiu aki hopi. Pa e no desgracia su curpa i pa despus e por casa feliz. Mucho vez yinan asina su hereda algo di e caracter di nan mama i esey ta haci nan bida mas difícil. Mi ta desea bo hopi forza i animo, mi amiga!

Rosemarie

Contesta na L.

Manera bo a pidi mi, mi amiga, mi no ta publica ni bo nomber ni bo carta. Mi ta kere lo bo mester ta un bunteta masha grandi, mi amiga, si asina hopi mucha homber ta loco bo tras.... Awor tin cos cu Rosemarie na por haci pa bo, den e dos muchu mester bisa bo. Den e muchu hombernan ey ta bo mester sego. Ta imposibel pa bo stima tur dos i claro cu ta un so bo por casa. Puntra ho mes den sotedad di bo curazon! eal mi ta stima di berdad? Cu eua di nan dos lo mi kier ta semper hunti, den tempu di aegria i di tristez.... di salu i di enfermedad? Pensa tambe eua tin mehor caracter, mehor manera i cual ta mas fiel. Mi ta spera cu lo bo sego esun BON.

Rosemarie.

Apreciable Rosemarie,

Mi tambe ta bini cu un problema. Mi ta un mucha muher di 17 anja. Mi tin un namorado di 18 anja i e ta loco pa mi. E ta confia den mi. Pero mi mama no kier e. Tin awor un otro mucha homber di 24 anja, e ta bin mi casa. Ami no kier esaki. Mi no tin stimacion p'e. Pero mi mama si kier esaki. Rosemarie mi kier di bo un bon conseho. Masha danki.

Un amiga fiel.

Un amiga fiel.
Mi amiga: No ta bo mama ta bai casa sino ta ABO. Bo no por casa cu esun en bo mama kier, sino cu esun

cu abo kier. Bo ta hopi jong pa casa, pero loch for di awor bo ta cuminsa cera conoci cu un joncunha, boso por bira amigo i despus mira si boso dos ta stima otro asina hopi cu boso lo casa cu otro. Mi amiga, nunca no casa cu un hende cu ABO no ta stima. Despues lo bo bira masha infeliz. Casamento ta basa riba amor. Pesey bisa bo mama, cu e mucha homber di 24 anja aki maske cuanto e bin bo cas, abo no tin mada di haci cunelo. Ora e blui, salí bo bai sera cu un of otro amiga. Tin asina hopi matrimonio infeliz pasobra ta mama a mura e casamento! Splica bo mama, cu tur respet, cu bo no kier e mucha homber aki. I comporta bo serio.

Rosemarie

Querida Rosemarie,

Mi ta un homber di 29 anja i mi ta namora un señorita di 19. Bo ta hanja e diferencia di edad ey mucho grandi? Su mayornan ta haya esey terribel mes. Pero nos dos ta stima otro i mi tin intencion serio cunelo. Duna mi bo contesta pronto den Arubanse Courant.

Un lector di Arubanse Courant.
Un lector di Arubanse Courant.

Mi amigo, 10 anja di edad sigur ta un diferencia, pero si ta e homber ta 19 anja mas bieuw no ta importa tanto. (Si tabata e mucha si lo mi a hanja e diferencia mucho grandi). Si boso dos ta stima otro, trata di convencé e mayornan cu tin masha hopi matrimonio feliz.... den cual e homber ta 10 of 12 anja mas bieuw. Mi ta desea boso felicidad!

Rosemarie.

MACMILLAN A SALI FOR DI HOSPITAL

LONDEN. 29 oct. — Ex-prime minister MacMillan, cu den e prome dianan di october tabata na hospital pa un operacion, y a baha dia 18 di october como minister-presidente a sali ayera for hospital Su casa tabata trasi di stuur dje auto cu eua pareha MacMillan a sali pa hotel Claridge, caminda nan lo keda durante algun dia.

YABI

pa bo exito

Avisa den ARUBAANSE COURANT y compara e resultado

NOBO NOBO NOBO
NASSAUSTRAT No. 34
Nos a caba di ricibi for di Suiza bunita tela pa traha "Two-piece" of suit, y den bunita color. Tela "Whipped Cream", cu no ta machika, espectralmente pa bisit di salí. Tela nobo pa cortina "Fiber-Glass", cu disenjos moderno!

E MORTO DI ENRICO MATTEI

ROMA, 29 october. — Italo Mattei, a entrega a keho contra desconocidonan, en relacion cu morto di su rumah homber Enrico Mattei, presidente dje compania nacional italiano di petroleo ENI, cu a muri anja pasa den sercania di Milan na un desgracia di avion. E corant Reenano "Il Messaggero", a anuncia, cu segun Italo Mattei resultadonan di un investigation tabata di tal manera, cu no ta exclui posibilidad di un atentado riba bida di Enrico Mattei.

HUELGA DI HAMBER PA UN STUWAM

PALERMO, 29 oct. — Danilo Dolci, e apostol di poberman na Sicilia, a cuminsa na Rocconen (serca di Palermo), un huelga di hamber di 10 dia pa trata pa laga autoridadan construi na sur di Palermo un stuwam. Segun e ya nan tabatin e placa necesario, pero esaki a disperse. Dolci ya tabatin exito cu un tal huelga di hamber.

Door di accion di Dolci nan ta construyendo actualmente un dam den riu de Jato di Sicilia. Den su huelga nobo di hamber ta apoye Peter Moule, secretario dje comite di 100 un organizacion Britanico contra bom nuclear.

ACTUACION RAPIDO A EVITA DANJO

NIJMEGEN, 29 oct. — E noticia cu cas di un maestro di school di Nijmegen tabata na candela a causa ayera gran actividad entre tur habitantenan dje barrio.

Door di ausencia di habitantenan dje cas henter e barrio a reuni y huntu nan a saca tur cos di cas pafu. Nan a caba cu e obra aki ora brandspuit a yega y cu un solo chorro di awa esaki a paga den poco tempu e candela chiki riba zolder caminda solamente algun boeki y un colchon a kima. E habitantenan den dos minuut a calcula e danjo, pero nan a traha te mei anochi pa pone tur cos dje famia aki na nan luga.

It just... LOOKS... expensive

LOOKS

gracias na e staf di techniconan cu ta duna bo tur informacion pa planca bo cas, renovacion of reconstruccion na un prijs masha razonable.

PETRONA & CROES

Morlonan door di envenenamentu di cuminda

LUXEMBURG, 29 oct. — Un muhe di 60 anja a tene warda foi siman pasa den su cas na Esch sur Alzette na Luxemburg ne resanan di su casa di 64 anja y nan yiu homber di 19 anja cu probablemente a muri na envenenamentu di cuminda. E muhe tabata demasiado trastonra pa avisa otro hende. E bisinjanan alarma door cu henter siman nan no a mira ningun hende dje famia a bai busca nan drechi.

MARINA BRITANICO NA SUR-ESTE DI AZIA

SYDNEY, 29 oct. — Inglaterra lo fortifica su marina na suroeste di Asia, segun vice almirante Sir Desmond Dreyer na Sydney a participa. Otro anja nan lo pone aserca cazatorpederonan nobo cu raket. Personal di marina a worde hiba den tres anja di 8.500 riba 13.000 homber, y lo sigui aumenta. Flota Britanico na suroeste di Asia ta contene actualmente dos portavion, un erusero y un dozin di casatorpedero, submarino y mijonvegenan.

AVISO PA VOTADORNAN GRIEGO

ATHENA, 29 oct. — Minister Griego pa asuntunan interino a avisa e personanan cu otro siman domingo lo participa ne eleccionnan parlamentario, cu machinnan special lo souu cu ningun persona lo vota dobbel. E minister a recorda, cu e votadornan cu nan atrapa di a vota dos biaha lo hanja por lo menos 5 anja den prison. Segun nan a anuncia mas di mei milyon votador lo tuma parti ne eleccionnan.

VERF MARCA ROMART

INTERIOR — EXTERIOR
ROMART TA UN VERF MODERNO, CUIDADOSAMENTE MESTIA PA PRUEBA E SUPERFICIE COMPLETO.

1 galon f. 5,10
1/4 galon f. 2,25

Tambe tin tur sorto di KWASHI. Obtenible na:

Panama Store

VERF BO CAS PA PASCU CU SAPOLIN

MAS DI 500 COLOR CLATRAHA... fuera di colornan especial cu nos por traha pa bo....

ARUBA HARDWARE C.V. (Brenchi)

Escoge for di nos tremendo existencia di VERF e color exacto cu bo mester.

Y corda bon cu nos prijsnan ta si competencia manera semper, ademas di e descuento especial di tur anja.

TELEVISOR - SIERRA

Insuperable pa su ventananan tecnico!

* 1 ANJA DI GARANTIA
* ANTENNA GRATIS

Prijs razonabel! Bishita

CASA ELECTRONICA

Bernhardstraat 99 — San Nicolé

Bo no tin negatief...

Pa unicamente fls. 4,— y e anunc aki, bo ta hanja un negatief, e portret grandi, seis portret chikito pa usa den cartera.

Esaki ta un oferta di introduccion di laboratorios "EUROPA" situa 4 Waterweg 4, Oranjestad. E anuncio aki tambe ta bon pa un descuento di 10% si bo entregale huntu e otro trabanan cu bo entrega "EUROPA".

Trece bo portret favorito awe m huntu cu e anuncio aki pa aprovec e oferta maravilloso aki.

Nos ta acepta film di color pa tal. Nos ta saka portret na cas.

Nos ta renova bo portrelnan bieu. Nos ta duna tur loka ta scribi di fotografia.

EUROPA

Waterweg 4, Oranjestad
CU E ANUNCIO AKI BO TA HANJA 10% DI REBAHIA

CISCO KID presenta pa cortesia di ARUBA BOTTLING COMPANY NESBITTS den varios sabor, e refresconan mas pidi y mas gustos na Aruba.

1. Esta bunita canucu bo tin. Mare mi por a sembra.
2. Esaki ta parse mi ridiculo.
3. Kiko bo ta haci akian?



DEPITA pa cortesia di: Antillian Hardware Co

E mehor adres pa VERF, KWASHI, TUR CLASE DI HERMENT, articulos sonitario.

3. Mi ta usele pa e luz no molestia mi, ora cu bo ta lesando.
4. Mi a kere cu bo ta un dama ladron.



DICK TRACY

1. Bo kier meen cu Jimmy-the-Juice ta bai tira "Stoolie" den e diarentuin.
 2. Si, y ora Jimmy tira "Stoolie".
 3. Na e mes un momento mi ta tira Jimmy-the Juice mata!
 4. Tracy bo persistencia pa keda skinan, ta worde recompensa. Mira.
- Kende esci ta.



RIP KIRBY JAN BODEGOM & CO (Aruba) N.V. TEL. 1284 — 1402

igente exclusivo di FRIESCHE VLAG lechi evaporado y lechi en polvo MAXWELL HOUSE KOFFIE

1. Piratas? Wel Rip, e capitan Kidd a muer masha tempo!
2. Ma toz for un anja pasa algun yatanan di millonarian a worde detene na famar grandi....
3. Bosonan tin tres minuut pa hiba tur e dinero y joyan den sala.
4. Na tur e casonan aki e befe di e piratanan ta e senior Escorpio....



KNSM

your line

TELEPHONE 1777 - 3 LINES

SCHEDULE OF ARRIVALS/DEPARTURES AT/FROM ORANJESTAD

SHIPS NAME

FROM:

TO:

CHIRON

29-10-'63 Europe, Curacao

Guayanas, Europe.

ERNST SCHROEDER

31-10-'63 Italy, Spain, Portugal.

Atlantic-Colombia.

PARTHENON

31-10-'63 U.S. Atlantic Ports.

Venezuela, Trinidad.

PRINS DER NEDERLANDEN

5-11-'63 Europe.

Caribbean Cruise.

SOCRATES }

6-11-'63 U.S. Gulf Ports.

Cur. Ven., Tr'dad, Barbados,
Guyanas

AGAMEMNON

7-11-'63 U.S. Atlantic Ports.

Ven, Guyanas, U.S. Atlantic Ports

CANSA...

E NO TIN SMAAK PA TRAHA

LES...?

Anlo scucha un bon

conseho di

REDDY KILOWATT...



...Aumenta eficiencia di

bo jiunan cu

● BON ILUMINACION

y

● AIRE-ACONDICIONADO



Bon noticia pa nos muchanan!

ELMAR

TIN UN BUNITA
SORPRESA
PA E GANADOR(A) NAN
DI E CONCURSO AKI!

Pa tur informacion tocante
AIREACONDICIONADO,
idea pa iluminacion di bo cas, etc.
acudi libremente na



ESAKI

TA UN FAMILIA...
CONTENTO!

Aki bo ta weita 4 di e
59 mil habitantenan di
nos isla:

Carla, papa, mama y
Tom. Un familia parti-
cular? Ay no. Con-
tento? Esey si.
Energico? Si, esey
tambe! Pasobra
semper nan nevera
ta yen di

PEPSI COLA • SEVEN-UP • KIST Y VICTORIA SODA-WATER.

E ganador(a)nan di e concurso di pinta ta hanja
un sorpresa serca nos tambe...

PA PEDIDO JAMA:

VICTORIA BOTTLING CO. TEL: 5192

LECHI EVAPORADA

LECHI NA POLVO

Friese Vlag

ESUN DI MAS USA NA ARUBA Y ESEY NO
TA SIN MOTIBO.

„Friese Vlag” no tin solamente bon smaak, ta salubable y tambe
di alta calidad, pero tambe su etiketan tin balor, y bo por hanja
bunita boeki cambiando e etiketan.

**MUCHANAN CU TA BEBE
FRIESE VLAG**

- TA SINJA MEHOR
- TA MAS FUERTE
- TIN MAS ENERGIA
- Y SEMPER TA GANA
PREMIOS!!!

Ademas... si e gana-
dor(a) a pinta algo di
Friese Vlag, e ta hanja
tambe **UN BUNITA
BUKI** FOR DI NOS BI-
BLIOTEKA, CUAL E
MES MAG ESCOHE.



Agente:

JAN BODEGOM & CO. (Aruba) N.V.
ORANJESTAD TEL. 1284-1402

CONCURSO DI PINTA & KLEUR

PA JIUNAN DI NOS ABONADONAN CU PREMIONAN ATRACTIVO PA E GANADOR(a)

- 1 premio: — FLS. 15.00 CASH PA CORTESIA DI „ARUBAANSE COURANT”, mas UN
VALE DI FLS. 10.— como obsequio di „KAN N. V.”, mas sorpresas di algun otro sponsornan
di e concurso aki.
- 2 premio: — FLS. 10.00 CASH PA CORTESIA DI „ARUBAANSE COURANT”, mas sorpresas
di algun otro sponsornan di e concurso aki.
- 3 premio: — FLS. 10.00 CASH PA CORTESIA DI „ARUBAANSE COURANT”, mas sorpresas
di algun otro sponsornan di e concurso aki.
- 6 premio: — FLS. 2.50 CASH cada uno pa cortesia di „ARUBAANSE COURANT”, mas sorpresas
di algun otro sponsornan di e concurso aki.



Lo siguiente ta worde permiti:

- A. Kleur e plaachi aki, ariba e papel di corant mes den colornan cu bo ta desea cu material di kleur cu bo ta
hanja ta mehor.
- B. Pinta e plaachi over ariba otro papel y usa watervet, krijt of otro material. Corda cu e plaachi no tin mag
di ta mas grandi cu 15 cm. x 25 cm.
- C. Pinta cuakler otro obheto di Pascu of otro cos cu tin di hac cu e sponsornan di e concurso aki. Por ehe-
mpio, pinta algu di „Friese Vlag”, cu e.o. ta ofrece un sorpresa especial pa e ganador(a)nan.

Manda bo plaachi pa „ARUBAANSE COURANT” prome cu dia 10 di december 1963. Un jurado lo dicidi kende ta
e ganador(a)nan. Plaachinan ta keda propiedad di „Arubaanse Courant”. Skirbi nomber y adres cu blokletters
aki bay:

NOMBER: EDAD:
ADRES: SCHOOL / KLAS:

KAN INC.

JUWELIERS SINDS 1918

CONTRIBUIENDO PA HACI E
CONCURSO DI PINTA & KLEUR
MAS EXITOSO **KAN** TA
DUNA E GANADOR(A) DI PRO-
ME PREMIO UN VALE DI
FL. 10.—

Y CORDA PA
UN BON HO-
LOSHI Y OTRO
ARTICULOS DI
REGALO SEM-
PER TA
KAN!



AGENTE PA **ZODIAC** UN
DJE HOLOSHINAN MAS RE-
NOMBRA DI MUNDO

WAT KAN KAN, KAN KAN ALLEEN!
CURACAO - BREEDESTRAAT 33-(p) - PHONE 11939
ARUBA - NASSAUSTRAT 47 - PHONE 1193

**TUR
COS
PA
PINTA
&
KLEUR**



● y... si e ganador of ganadora
tin un kaarchi cu e la cumpra articu-
lo di kleur of pinta serca nos pa par-
ticipa den e concurso aki, nos ta
aumenta e premio cu
„ARUBAANSE COURANT”
ta ofrece, cu net dobbel.

PA
WATERVERF
Tur clase di
KLEURPOTLOOD
TUR CLASE DI KRIJT
PLAKAATVERF ETC.



DE WIT STORES N.V.



● E PLAACHI AKI BO NO POR VERF CU
VERF DI

ANTILLIAN MERCANTILE,
PERO SI NOS TIN VERF PA BO CAS, BOTO,
VLOER, MADERA, METAL, Y SPRAYPAINT PA
IJSKAST, STOOF etc.
USA

Valspar

NOS A CABA DI RICIBI MILES DI
GALON DEN 30 DIFERENTE COLOR!

Ademas, participa den nos plan di **SPAAR**.

Deposun algo ariba e verf cu bo mester pa bo cas pa dianan di fiestanan
vendido, ora bo tin mitar di e valor di verf, cu bo tin mester di paga, bo
por laba bo verf, pagando e otro mitar te otro anja.

Pa mas informacion pasa na:

Antillian Mercantile Corp. Oranjestad - Tel. 1145
San Nic. - Tel. 5635

TRIUNFO PA SAN NIC. STARS Y CARIBE

(Di nos Redactor Deportivo)
Den su sexta salida di e campeonato di softball e novena di San Nicolas Stars a obtene su quinto triunfo. Diadomingo nan a derrota e novena di Gaviñanes de Casa Haima cu score di 7 carrera pa 1. E estrellanan di San Nicolas a conecta 12 hit y a fildea den forma impecable. E gaviñaninan a conecta 9 hit, pero a comete tres pifa.

Pitcher ganador tabata Ramon Hodge, mientras cu e derrota a wordé poni riba nomber di Maikín Holsman.

Pa Gaviñanes esaki ta nan tercer derrota den ocho salida.
E segundo match di diadomingo tabata entre Elmar y Caribe. Cu score di 3 pa 2, e caribienonan a logra nan segundo triunfo di e campeonato. Nan a logra total di 10 hit y a comete cuatro error.

Elmar a conecta apenas tres hit y a comete mes tanto error.
Rubén Mansur a resulta e pitcher ganador y Cesar Kip a wordé carga cu su segunda derrota consecutiva.

Incluyendo e dos partidonan aki nos ta hantá awor e siguiente cifra: nan di e campeonato:

Club	W	L	G	P	A
Aruba Jrs.	6	6	0	0	
San Nic. Stars	6	5	1	1	
Gaviñanes	8	5	3	2	
Novatos	8	5	3	2	
Douane	6	4	2	2	
Clippers	6	3	3	3	
Plymouth	8	3	5	4	
Rapinos	6	2	4	4	
Caribe	7	2	5	4	
Elmar	8	2	6	5	
Amstel	7	1	6	5	

INSTALACION SIMULTAN PA CONCILIO

CIUDAD DI ATICANO, 29 oct. — Segun nan a participa nan lo haci uso e siman aki di un sistema simultaneo di traducion den seis idioma pa uso na debatanen reuinionnan di concilio den San Pedro. Segun e ingeniero Vachini, e probanan cu e instalacionnan aki tabata un exito. E unico dificultad cu a keda tabata e formacion di un grupo di traductor cu ta bon na altura cu e terminonan eclesiastico cu nan ta usa na debatanen. E idioma nan cu nan lo usa ta Ingles, Frances, Aleman, Spanjo, Portugies y Italiano. Algun tata di concilio lo hanja disposicion di aparato di recepcion. Segun a nuncia Latin lo keda e idioma oficial pa concilio.

DIANA E HUERFANA

—Mi ta duna bo dos mil florin gaba, e condesa a tende su esposo bica.
—Aki bo tin e placa, pero Dios juda bo, si bo trata pa tuma contacto cu mi esposa. Mi lo masha personalmente.
—Mi ta comprende conde. Pero mi kier avisa bo, pasobra mi kier bo bon. Tene cuidao cu senjora Maske. E lo por hanja e idea pa existi mas placa di bo aida. E ta papia hopi yaha di un cas chikiti, caminda e lo kier a pasa su ultimo dianan.
—Tambe el a compra esey, e condesa a pensa. E binti unanjan aki no tabata nada otro cu un sonjo antofo di cual el a spierta awe?
—Aki banda. Geerken, el a tende 400 grunja. Un porta a dal sera, e ora condesa Gina a tende su esposo suspira. Leo tabata su so, desespera na final di su forzanan. Hopi tempu el a keda sinti tras di su escritorio, cu su cabes den su dos man. Un batinu na porta a sake for di su pensamentunan. Ora cu el a bisa —drenta— e tabata sinti cu su cabes ariba un buki. El a lanta para.
—Abo Gina? El a bai sera cu es-

posu y a coge braza. Esta bunita cu bo ta bin bishita mi. Mei ora pasa Geerken tabata aki, mi a haci tur cos posibel pa e iudica riba e cuenta. Pero e ta ninga.
—Cuanto bo a ofrese? su esposa a puntra cu voz sera.
—Diez mil florin. Mas mi no tin actualmente. Lubida e mucha muher aki e no bai bo amor.
—Bo no ta sinti bon?
—Su pregunta tabata iusticia, pasobra e cara di su esposa tabata muestra un palidez friu.
—Mi kier bai atrobe.
—Warda, mi ta bisa bo cas.
—Esey no ta necesario. E taxi ta warda mi abao. Gina a bai pa e porta. Ni sikiera el a bira waak mas. P'e Leo a muri awor.
Un ora despues tambe Leo a corre bai cas. E tabatin poco miedu pa su esposa, pa su cara blanco y su wovonan tristu.
Tabatin un taxi dilanti porta. E chofer tabata sinti aden, humando su pipa. El a sonrei cu e conde.
—Riba ken bo ta warda? e donjo di cas a puntra.

Cumpleanjos

Dia 28 di october a cumpli anja Bernabela Maria Geerman, felicitacion ta bini di su yiu Frankie, tuma, tata, rumannan, amiganan especialmente di Jose Flores y demas familia Geerman.

Dia 28 di october a cumpli anja senjora Minty Zijlstra, felicitacion ta bini di su tata y mama, su esposu, rumannan Astrid, Irma, Donny na Hulanda y Boehoe, dos yunan sobrinanan, comader y compadernan y muy especialmente di su cunja.

Ajera tabata di fiesta e hobencio Dominico Figueroa, felicitacion ta bini di su tanta Ludewica Tromp, tambe muy especialmente di Miriam Tromp y demas familia Tromp.

Dia 28 di october a cumpli 9 anja casa. Senjor Ramon y senjora Norma Tromp, felicitacion ta bini pa partí di nan yunan, Stanley, Sidney, Maikel y Mayra, tambe pa partí di Carmen, Boeis y yunan, familia Zielskink na Maracaibo, Sonia Ruiz na Hulanda y muy especialmente di nan comader Lourdes Martha, y comper Theodor Luttig, tanta Fermina Calmes y di familia Rafael.

Dia 28 di october a cumpli 5 anja e hobencio Sidney Tromp, felicitacion ta bini di partí di su tata Ramon, mama Norma, rumannan Stanley, Maikel y Mayra, amiguonan di Bewaarschool.

Awe dia 29 di october ta cumpli 3 anja e hobencio Miriam Rosaria Figueroa, e ta ricibi papien di su madrina Ludewica Tromp y di Miriam Tromp y demas familia Tromp.

Awe dia 29 october ta cumpli 1 anja casa senjor Sep y senjora Martina Tromp, felicitacion ta bini di familia Maries, Dania, Swaen y Dirks y ta desea e pareha aki hopi anja mas di bida den nan bida matrimonial.

Awe dia 29 di october ta cumpli anja e hobencio Zenovieito Geerman, cual ta cumpli 4 anja. Felicitacion ta bini di su mama Siria, tata Jose, rumannan, Nicolas, Jani, Filomena, Maria, wela Seferina Croes, omo y tantanan, primo y primanan, especialmente di su madrina Rafaela Croes, padrino Lido Croes, amiguonan Walte, Gochi, Cornes, Lucio, tambe di Bertha y Venancio y demas familia Croes, Jansen y Geerman.

Dia 28 di october a cumpli 25 anja senjor Simon Angela, felicitacion ta bini di partí di su querida esposa Margarita, yunan Vivian, Jacqueline, mama Mauricia, rumannan Fernando, Francisca, Petronilla, Jacin-

—Mi ta kere cu ta un condesa. E ta paketa su maleta. Prome mi a hibe den ciudad, y awor mi mester hibe un hotel.
—Cu pasonan grandi Leo a corre bai den cas. Ta loco Gina a bira? El a hanje den sala, nei e tabata bisti su jas. E sirvienta a duna su sombre.
—Unda bo ta bai? Leo a puntra.
—Su bista a cai riba e dos maletanan grandi, cu tabata para banda di Gina.
—Mi no tin mester di bo mas. E condesa a muestra cu su cabes pa e porta. E sirvienta a sali un bez.
—Kiko esaki ta nifica? conde Leo a puntra.
—Mi kier bai laga bo. Mi no kier mira bo nunea mas, Leo, mi ta desprecia bo.
—Pero pakiko anto? Kiko a pasa anto?
—Mi tabata para den bo oficina ora cu bo tabata papia cu Geerken. Mi a tende ead palabra. Mi kier bai sera mi yiu, mi tin berguenza cu awor nuna mi a conoce bo.
—Laga mi splica bo... mi a haci esey solamente pa amor. Gina, mi tin mester di bo. Si mi a laga Diana... pero awor mi ta dispuesto pa adopte.

—Mi no por biba cu bo mas. Lo cual bo a hae? ta mucho horibel.
Condesa Gina a yama e chofer. Esaki a bini un bez.
—Esey ta e maletanan senjora? el a puntra y a coge nan.
—E maletanan ta keda aki. Bo por bai nuna, mi esposa no ta bai. El a cambia di idea. Aki bo placa ta.
—Esta bobo bo ta pa kere cu bo por taha mi. Leo. Nos no tin nada di haci cu otro mas. Sin sikiera saluda e condesa a sali bai.
—E chofer a pone e maletanan den e auto.
—Awor nos por bai. E kier a bira su yabi di switch ora cu el a spanta.
—Esey no tabata un tiru? el a puntra spanta. El a bira su cara pa su cliente pero e condesa a sali di e auto cabu.
—Sin hesita el a bai pa e kamber di trabao. E conde tabata drumi banda di e mesa. E revolver den su man ainda tabata humu.
—Esey mi no tabata kier, el a flora.
—Kiko a pasa? e chofer a puntra curioso ora cu e condesa a sali diez minuut despues atrobe. Un hende a tira?
—Mi ta rogabo pa bai busca senjora Diana Maske y tres aki. El a duna e adres. Y bise por favor cu ta masha urgente. Mi por conta riba bo?
—Naturalmente, e homber a sigura.
—Pura, por favor. Condesa Gina mes no tabata sa despues di unda el a saca e forza, pa keda para riba su pia. Te ora cu e guto a corre bai nuna el a ripara e homber cu di hopi tempu eaba tabata para banda di e cas, sin papia cune. Ora cu el a waak e el a kita su sombre.
—Mi por a papia un momento cu bo, condesa? Mi nomber ta Wilson, dokter Wilson.
—Acaso bo ta dokter?
—Si.
—Bini por favor anto mi esposu a hanja un accidente.
El a spanta ora el a hinka rudia banda di e conde den su kamber. Nos mester jama polis, el a bisa ketu.

AGENDA

CINE
Diamars 29 october 1963
DE VEER 8:30 p.m. "Altope" 183
DIALTO 8 p.m. "Cuando Viva Villa es la Muerte" 183
PRINCIPAL 8 p.m. "The Siege of Sidney Street" 183
AUROBA 8 p.m. "Guantes de Oro" all
SAVANETA 8 p.m. "Winden Waaien om de Rotse" all

BOTICANAN DI WADA
Oranjestad: Bolica del Pueblo tel. 1253-2154
San Nicolas: Bolica San Lucas tel. 5117

DOKTERNAN DI WADA
Oranjestad: Dr. Ewald
San Nicolas: Dr. Perpetua
Santa Cruz: Dr. M.R. Dommert

WIT-GELE KRUIS
Oranjestad: Dr. Ewald
San Nicolas: Dr. Perpetua
Santa Cruz: Dr. M.R. Dommert

RADIO ANTILIANA
Diamars 29 october 1963

05:30 Apertura
06:10 News in English
06:30 Noticianan na Papiamentu
06:45 Te 7:45 a.m. Bul trabao den compania di bo compañero constante Radio Antiliana
07:10 News in English
07:30 Noticianan na Papiamentu
07:45 Noticiero Musical
08:30 Musica varia
09:15 Programa pa amanan di cas.
11:15 Hoyay musical
12:00 Melodias Antillanas
12:15 Noticianan na Papiamentu
12:25 Melodias Antillanas
12:45 Charla deportiva
01:00 North - American music
02:00 Album di recordo
02:30 Boletines romanticos
03:00 Festival musical
03:30 Programa pa pacientnan den hospital
04:00 Programa "La Esperanza"
04:30 Peticiones
05:00 Noticianan na Papiamentu
05:15 Calypso
05:30 Calendario Antillano

Iba, prima y primonan, sobrino y sobrinanan, padrino y madrinanan y demas familia Angela.

Dia 27 di october a cumpli anja senjora Maria Sabina Bermudez, felicitacion ta bini di su esposo Bito, 6 yunan Franklin, Esther, Lourdes, Evelyn, Astrid y Enrico, su tata Dien, suegra, rumannan, tanta y omonan, primo y primanan, sobrinanan, cunja y swanan, comper y compernan y muy especialmente di su rumman Lala na Hulanda y demas familia Farro, Bermudez y Giel.

Dia 28 di october a cumpli 20 anja casa senjor Andres y senjora Johanna de Cuba, felicitacion ta bini di nan yunan Maria, Dito, Miano, Dita, Frans, Chipi, Cohito, tanta y omonan, rumannan y demas familia De Cuba y Figueroa.

Awe dia 29 di october ta cumpli 19 anja senjora Regina Vilma Luydens, felicitacion ta bini di su mama y tata, rumannan Andrea, Frans, Rosa, Ika, Theo, Lourdes, Joy, tanta y omonan, primo y primanan, pepepan Imelda y Thea, omo Porfilio Gomez y demas familia Luydens, amiganan y amigonan, especialmente di su amiga na Bonaire Esther Frans, Jolanda Maduro, Jeta Gomez, Aurora Ridderstaal y Maria Tromp.

05:45 Musica varia
06:00 Charla Deportiva
06:10 Musica Norte Americana
06:30 News in English
06:45 Variedad musical
07:00 Felicitaciones y complacencias
07:30 Nota alegre
08:00 Musica Latina
08:15 Musica Varia
08:30 Anjuranas
10:30 Resumen di Noticianan
10:30 Clausura.

Personanan di bon gusto ta prefera entre e mehoran E MEHORI!



REY DE COPAS
ARUBA DISTILLING COMPANY
Wilhelminastr. 47 — Tel. 1266

TELE-ARUBA
Diamars 29 october 1963

05:30 Cartoons
06:00 The Buceaneer's
06:30 N.T.S. Journal
06:45 Papiamentu Newscast Live & Filmnews
07:00 Rosh Rosh
07:30 Sports News
07:45 Our Miss Brooks
08:15 Lock-Up
08:45 English Newscast Live & Filmnews
09:07 77 Sunset Strip
10:00 Sign off.

RADIO VICTORIA
Diamars 29 october 1963

A.M.
06:00 Apertura
06:05 Ultimas noticias
06:15 E hibi Habri
06:30 Gimnasia
10:00 World news
10:10 The Bible for you
10:45 Thoughts on home
11:00 Chapel of the air
11:15 Novela
11:30 Melodias di merdia P.M.
12:00 Ultimas noticias
12:15 Musica sagrada
12:30 World News
12:45 Quiet time

"EFICIENCIA PERSONAL DI UN TOPFUNCIONARIO"

Awe noch pa 8'or Mr. H. LUIJK (advisior di organisacionnan) cu cooperacion di "Instituut voor Efficiency Bevoording Nederlandse Antillen" (I. V. E. N.A.) lo tene un lectura tocente

"EFICIENCIA PERSONAL DI UN TOPFUNCIONARIO"

Na oficina alre-condiciona di departamento Eilandsfinancien. Entrada gratis pa miembronan IVENA y interesadonan.

COMMISSION OF EXPOSITION DI

CENTRO CULTURAL ARUBA
cu cooperacion di
OFICINA DI TURISMO ARUBA
ta invita interesadonan pa manda pinturanan pa un exposicion
"ARUBAANSE AMATEUR SCHILDERS"

E pinturanan mester ta segun e siguiente exigencianan:

Obra Original — No Copia
Obra netamente Amateur
No debutantenan — tampoco obra profesional
Maximo 3 obra di cada participante.
Tur pintura den cuadro.

Si ta necesario un jurado lo haci un seleccion.
E exhibicion lo tuma lugar for di dia 16 te 30 di November den Conference room di ARUBA CARIBBEAN HOTEL, y for di dia 1 te 14 di December na CENTRO CULTURAL di Aruba.
Manda bo obranan Dilazon dia 13 di november for di 2 — 6'or di atardi na Conference Room, di ARUBA CARIBBEAN HOTEL.

TERITORIO INSULAR DI ARUBA

Ontvanger di Teritorio Insular di Aruba ta participo na esnan cu no a paga non abono di telefoon di luna di oktober 1963, cu aanmaning lo ser poni na post dia 31 di oktober 1963 y cu for di dia 2 di november 1963 lo cumenzo cobra gastonan di telefoon pa e luna menciona.


MARTINI
TA SPONSOR
HIGHWAY PATROL
na TELEARUBA tur diasabra di 7.45—8.00 p.m.
WIMCO
ARUBA, Neth. Ant.

BO HOROSCOPO PERSONAL


ARIES
21 Maart — 20 April



TAURUS
21 April — 20 Mei



GEMINI
21 Mei — 20 Juni




CANCER
21 Juni — 22 Juli




LEO
23 Juli — 22 Augustus




VIRGO
23 Augustus — 22 September




LIBRA
23 September — 22 October




SCORPIO
23 October — 22 November




SAGITARIUS
23 November — 21 December



CAPRICORNUS
22 December — 19 Januari



ACUARIUS
20 Januari — 18 Februari



PISCES
19 Februari — 20 Maart



EMBAHADOR HULANDES
INA EGYPTO

CAIRO, 29 october. — Ayera Jonkheer de Ruitz, e embahador nobo na Cairo, a entrega president Nasser su cartanan credencial.

E president di Egipto a bisa en ocasion djesaki, cu su pais lo traha pa expansionnan di relacionnan cu Hulanda.

BUCHI ROBEZ presenta pa cortesia di PIET'S SODA FOUNTAIN tel. 2123

